

中國方志叢書·西部地方·第一號

據清·不著纂修人名氏影印
清乾隆間抄本

新疆省

回疆志



5k126/25

成文出版社印行



10094113

中華民國五十七年三月十一版

回疆志

定價：新台幣一二〇元正

發行人：黃成助

臺北郵政信箱二二六〇五號

出版者：成文出版社

臺北郵政信箱二二六〇五號
電話：九二二〇一〇號

印刷者：正大印製廠

三重市長生街二號之一

版權所有

內政部登記證內版臺業字第一一四七號

回疆誌目錄

御製平定回部勒銘葉爾奇木之碑

御製平定回部勒銘伊西洱庫爾淖兒之碑

新疆地理圖說

卷一

天時

地理

山河

城池

卷二

回教 性情 衣冠 婚姻 卷三 喪葬 織紉 畋漁

面貌 房室 飯食 耕種 交易 五穀

瓜果

草木

物產

卷四

回人官制

菜蔬

花卉

雜記

各城戶口地畝

回疆誌目錄

御製平定回部勒銘葉爾奇木之碑

御製平定回部勒銘伊西洱庫爾淖兒之碑

新疆地理圖說

卷一

天時

地理

山河

城池

卷二

回教 性情 衣冠 婚姻 卷三 喪葬 織紉 畋漁

面貌 房室 飯食 耕種 交易 五穀

瓜果

草木

物産

卷四

回人官制

菜蔬

花卉

雜記

各城戶口地畝

御製平定回部勒銘葉爾奇木之碑

粵稽回始肇自天方又名默克一曰天堂大食
見原回鵲見唐是彷彿所傳弗詳惟我皇清
撫有華夏血氣之倫均歸陶冶準夷昔強冥頑
弗下恃厥險遠寔梗化者黠獮其衆豺狼其羣
以回為羊役以耕耘利其善價三倍市欣拘二
酋長處伊犁濱四大回城輸租獻賦滕格是供
衛拉是懼繭絲奚堪溝壑已遽有向內心其何

能訴準夷既平羣回見天謂自今始飽食晏眠
遣厥酋歸撫尔土田生死骨月詎疑變遷德竟
怨報我叛疆戕我使輅叶是用興師聲罪致
討叶乃敢抗顏蜩蟾謹譟既侮厥外宜安厥內
而何狂狙心焉昏憤殺人為猷奪妻為穢大失
衆心無不怨背三道并發四甄齊攻酋知弗支
自擄一空廿日之前駭走無踪尔雖無踪我追
應窮滔滔洸洸連戰皆克旦夕苟延遂入異域

異域畏懷舉旂助力腐鼠莫逋遂來獻馘二酋
既殲諸回永靖叶設官定賦去其苛政昔之諸
回為準夜偵令怙以嬉各保性命昔之諸回為
準夷臣今語隣封曰天王民曰天王王臣誰汝
苦辛藝爾泰稷孳爾子孫在昔已已爰平金川
茲定回部亦已卯年歲符理紀瑞疊祥駢持盈
保泰惟懋慎旃

乾隆二十四年己卯十二月吉日

御製平定回部勒銘伊西洱庫爾淖兒之碑

機有視若失而反得智者之所勲而愚者之所惑也事有初若勞而終逸壯者之所邵而懦者之所怯也若夫定全回殲二酋戰無不克攻無不取皆二將軍及諸叅贊以及行間衆將士之力也然予亦有所深慰于其間者則以五年勦劬宵旰連籌之至寔未敢偷安於頃刻也幸我武保定庶因荅

乾賦慰

先志且以免浮議之指斥也伊西洱庫爾淖兒者我
副將軍富德等窮追二酋至拔達克山之界獲
其降者萬人二酋僅以身免而遣使索俘遂得
獻馘振旅以成茂勛也其地倚山臨水單騎可
容而我突將無前四甄并發如入無人之域也
賊衆首尾不能首相顧豎我回纥以招之降者
鋪崕以來和集占持刀止之或且反戈倒戟也

是以二酋見事不成拔身遠跳駭突而喙息也
先是蹙之于霍斯庫魯克襲之於阿尔楚尔無
不以少勝衆批亢擣堅桓桓之士真如驅虎豹
而逐狸兔纏頭碩鼻者流皆混混踉々見即避
易也是以先聲異域駭其跳盪遮逆助順用攫
重輜而猷克級也我兵未深入拔達克山境者則
以討逆之師不蹂無罪之地姑遣使焉彼或曉
逆順亦將擒猷是以將帥之臣審機度時我武

少輯也卒藏事而告成功則亦未為計之失也
回部始末既見於勒銘葉爾奇木之碑辭不復
綴也特記者定之在茲是以誌歲月而刻石也
乾隆二十四年歲次己卯十二月之吉